

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 25.11.2019թ. թիվ 1910466930 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<26>> 12 2019թ. 17-13- 10973

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սարգիս Ռեզյանի ՄԴ/4536-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Արցախի փողոցի 8բ շենքի 77 բնակարանի բնակիչ Սարգիս Ռեզյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1910466930 որոշումը՝ նշելով, որ տրանսպորտային միջոցը կայանել էր իր տան դիմաց:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն Սարգիս Ռեզյանը ճանաչվել է որպես խախտումը կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին թիվ 1910466930 որոշումը վերանայման ենթակա չէ հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 2-րդ հոդվածի համաձայն՝ **մայթը** օրենսդրությամբ սահմանված կարգով հետիոտնի տեղաշարժվելու համար նախատեսված երթևեկելի մասին հարող կամ դրանից որևէ եղանակով առանձնացված ճանապարհի տարր է:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 84-րդ կետի 1-ին ենթակետի համաձայն՝ **կանգառն արգելվում է մայթերին:**

Հարկ է նշել, որ Ճանապարհային ոստիկանության վարչական տույժ նշանակելու մասին թիվ 1910466930 որոշմամբ ամրագրված իրավախախտման փաստն արձանագրած տեսանյութի լրացուցիչ ուսումնասիրությունից պարզ է դառնում, որ դիմումատուին պատկանող տրանսպորտային միջոցը կանգառ է կատարել Երևան քաղաքի Մուրացան-Ռոստոմյան հատվածում գտնվող հարակից մայթին և իր գործողություններով խախտել է վերը նշված նորմի պահանջները, որի համար Վարչական իրավախախտումների վերաբերյալ ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Սարգիս Ռեզյանի՝ Ճանապարհային ոստիկանության 25.11.2019թ. թիվ 1910466930 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. **Հանձնարարել ՏՄՀԽԱ կենտրոնին՝ Սարգիս Ռեզյանի անվամբ կայացնել նոր վարչական ակտ:**
3. Սույն որոշումը կարող է բողոքարկվել ՀՀ վարչական դատարան՝ ՀՀ օրենսդրությամբ սահմանված կարգով և ժամկետներում:
4. Սույն որոշման օրինակն ուղարկել Սարգիս Ռեզյանին և **ՃՈ ՏՄՀԽԱ կենտրոն:**

